





PI

鼓嶺青林欲盡頭
半崖渾作白煙浮
應知昨夜山中雨
石上寒泉散漫流

荔枝樓在按察司

潭潭大府號澄清
一道網維控八城
舊說憲僚憐夜宴
荔枝樓上月三更

題米元暉楚江清曉圖

元暉筆力儘清雄
兩岸青山似越中
六鑿近年攘欲盡
蒼煙無復曉冥濛

江邊墟落靜荒煙
林隴依然井臼全
若比石壕更癩洒
入山多避過都錢

禽語自感

鷓鴣明呼行不得
杜鵑切祝不如歸
長憐二鳥知幾

早苦戀明時日自鞿

小樓晚眺

遠客逢秋苦憶家小樓登眺日初斜忽驚海上風來
迅吹亂鄰牆一架花

白沙漢舊名

歸舟漾漾度林菲兩岸芙蓉間木犀寂是遠遊堪記
處一篙秋水白沙西

天涯久客得還家喜動秋風八月槎絕似武陵回棹
處後山都被亂雲遮

岸宿閩清縣門

清江一曲抱城根此夜孤舟宿縣門已是客心幽迥
處更堪踈雨濕黃昏

小若

水師橫棹卧舡頭三日風蓬喜順流縱使不携西子
去烟鬢都是亭蘿秋

醜劉憲使仲脩嚴韻

舟次建寧書史孔元敬自浙東改任福唐
得憲使仲脩詩因繼高韻為答孔字中卿
係襲封元措行也

來從海徼全閩地閱盡烟江疊嶂山越橐不憂無重
致班超今喜得生還

安嶺北遮千里日全閩東掩萬重山江花江草爭含
笑一事無成謾往還

夢筆山

異稟中來氣自豪先生藻思湧秋濤斯文本逐年衰
壯取與何嘗有彩毫

題北苑亭柱

羈懷牢落獨登臺幾被時人笑不材只有青山寂憐
客翠嶺如畫四圍開

贈相者雪庭東谷二絕

道人宛有雪山清願我眉毫近九齡最喜一生心事
好又看黃色起天庭

雪裏踈梅儘耐寒功名都在晚年看煩君與卜趣裝
日早晚孤舟發建安

全氏小樓與南山相對殆几案間物也暇
日鶴予其上索賦鄙作因口占二絕句

閭閻撲地不容閑疊起重棚翠靄間樓下市聲喧午
枕藥爐頭上看青山

東籬遙見喜悠然况在風烟咫尺間滿勸銀盃留客
醉夕陽佳處鳥飛還

南山秋色兩爭高終日相看不待招一炷龍涎滿樽
酒安排詩思苦相撩

過朱家府并序

至元廿七年冬孟過朱家府謁

太師遺祠瞻拜禮像懷德不已敬留四詩
付林彬二孫庶幾鑢仲意云晚進小子汲

郡王憚欽祗百拜書

世仰遺祠愛及烏不綠喬木綠陰餘題為通德猶膚

淺云是文奎所次壚

濂洛尋源到聖功
八方吹偃舞雩風
一袂得近東家
住瓢飲肱眠樂在中

金聲遺響已千年
聖道重光自子傳
不為武夷山水
窟擎舟還纈杏壇邊

神而能化自人存
堯冕疑旒以道尊
德澤未應移五
世青衫長見讀書孫

張家灘在建陽縣南五里

張家灘下石縱橫
舟楫經過與水爭
行路險巖皆一
例溪聲何苦不平鳴

武夷溪口謝諸生來迂

諸生濟濟半深衣
鞭馬來迎候武夷
把酒向前爭致

語精神全在去年時

望武夷諸山

武夷山水儘清奇
石作龜鱗玉作溪
望入神清野一
到壁間空擬老歐題

崇安道中

十月山間不覺秋
青林依舊鎖深幽
西風老却黃雲
稻野水溝溝澗澗流

贈石堂和尚

梅花樹下石堂僧
楚語咻咻碧眼稜
盛說補陀神力
大碧丹療疾石能徵

道人來自武夷山
袖有千金祀廢丹
專意濟人無所
取一年強半在崇安

過大安嶺

愛山不厭入冥搜，薄霧空濛為少收。
意似范寬誇老筆，亂峰明處露巖頭。

大安形勢鬱崢嶸，閩海東蟠未了青。
往返兩回煙雨暗，不容詩筆寫真形。

前有群狐後有豺，老懷悽斷嶺猿哀。
此行可卜新年順，無是非下嶺來。

萬里生還豈偶然，一聲長嘯下蒼巔。
閑頭若要留詩去，記我今冬下嶺年。

下嶺人言出厄年，一杯蒲葦瘴江煙。
紫溪嶺下重回首，已勝班生到酒泉。

過稼軒先生墓

在鉛山州南十五里陽原山中廿七年自福唐作

青銅三百了時文，大節知公在致君。
朝野不應傳樂語，六宮春動鬱金裙。

相秦審勢不明理，坐使炎興失遠圖。
力主備邊信大義，先生真是孔明徒。

遺編三復美芹辭，睿眷曾蒙孝庙知。
黃壤不埋忠義氣，至今煙草見蟠螭。

老徽北狩七陵空，奉命南來見匪躬。
誰遣廟謀空坐老，一祿精舍帶潮東。

招提遺像見英材，喬木秋風過客哀。
通曆縱令追削盡，疊山文是漢雲臺。

次鉛山示州尹杜君

西連兩廣天荒處，東接三山海盡頭。
喜見寬平風土

美鉛山今合作中州

余去冬過此今歲復由此北歸觀其田里城居比之前日精彩數倍詢之蓋侯杜新政之所致也喜爲留詩而去

題寒碧井

在鉛山州東五里

寒泉湛碧石爲嵒鯨口長噴色更藍六月行人方困
喝一杯水雪蜜同甘

沙溪道中

馬知驛近趨行迅詩爲山竒捉句難行過沙溪都忘
却際空原野喜平寬

喜得臺報

弓刀霜冷五更初破曉無方有疾驅不爲殘年誇老

律暫教粧點早行圖

欲進行難愧素餐當機坐視更何安從今漸覓身心
適秋水鳴蛙不屬官

下山風袖任披披來路回看
在翠微貪戀紫溪山路
峻不知寒霧濕征衣

玉溪登舟

捨鞍乘本玉溪煙坐聽吳歌踏兩舷東抵餘杭西自
信一千里路月明舡

食棋

黃柑香熟夜來霜比似休官味更長道出三衢冬十
月石塘林圃記初嘗

夜發嚴州

亭亭白塔過嚴州漫漫清江不盡流慚愧釣臺臺上月分光也照遠迴舟

桐江待發

柁師說伴小兒童一養平明意莫忽待發桐廬遲是速舟隨潮退疾如風

夜過七里灘

都俞無幾已還山自笑瞞跚老一官爲恐石壇松鶴笑夜深舟過子陵灘

錢塘道中

長路人家不斷頭富陽東下接杭州如今不似勾吳日猶自歌聲沸酒樓

余自閩中北還舟行過常秀間即聽擢歌

殊有愜余心者每一句發端以聲和之者三扣其辭語敷淺而鄙俚曾不若和聲之驩亮也因變而作十二闋且道其傳送艱苦之狀亦劉連州竹枝之意云

露華冷泥蒼山碧江水平鋪素練光半夜掉歌相應起發揮無用詫鳴榔

今秋湖濶兩相通差遣雖頻力易攻度險却防連夜發泝流還怕打頭風

兩浙人稠不易安少罹凶慊即流迂今年苦惱蘇常地易子營生不計錢

睡思矇朧苦未休掉歌催發五更頭兩盂悶飯無塩菜雨雨風風一葉舟

朝來回棹喜空船坐唱吳歌踏兩舷
淘米墩頭風浪起最防吹入太湖烟

中產攢來六七家終年執役在浮槎
今年水滄田苗盡少米爭前乞使華

水色山光不易吟却教款乃發幽深
春陵不作吳兒事道是雲山韶濩音

吳江灘石苦經過音節聽來噪未和
不似吳儂音韻美遺聲全是竹枝歌

夢驚蓬底卧秋江一句絲絲和者
實任使再歌聽未已不知寒日上船窓

幹當江南有許多往還冠蓋侶
攜襖因茲力役無朝暮款乃翻成懊惱歌

路長江闊霧烟埋盡日長征帶夜開
記得往年亡宋日被差冠蓋有時來
迢迢江上亂峯青路轉山回遠作程
來使共稱星火急不容停待晚潮生

水仙萱草二詠并序

予行次赤岸兩浙憲司屬吏侯仲卿挈舟
自杭追余四十餘里及之拱立水次致紫
山之意仍索賦水仙萱草二詩詢渠別有
何故曰無有予笑曰澹癡好名有如是者
遂書二絕以付時至元二十七年冬十月
二十二日也

片帆歸自海東頭何限烟江疊嶂愁
展放畫圖還一

笑世間名品果忘憂

綠萱不得獨忘憂江草江離揔帶愁若使花神真解

事一枝金鳳也垂頭

雪作肌膚翠作裙凌波微步襪生塵華端欲見錢郎

意重為陳王賦洛神

望歌風臺

西風殘照舊山河故國遺臺憶獨過四百威靈歸寂

寞斷碑猶記大風歌

漢家豐沛有周郃四百炎輝自此開舉目不瞻龍虎

氣寒鷓鴣日上荒臺

奉春一說即西行百二江山故帝京不似楚人無遠

略錦衣東帝詫韓生

石勒問道圖

位號真來變故多溥天無地不干戈養成豺豕蕭牆

禍更向伊蒲問甚麼

題范亞父增墓在徐州城南臺頭寺下大塚

剗舞鴻門失此機重瞳成敗可前知猜嫌只待捐金

後決意東歸去已遲

單父琴臺

武侯治蜀毋輕赦宓子彈琴不下堂風俗變移難復

古後人為政貴論量

請佛圖澄傳

慧眼前窺事有徵最慈祥是戒濇刑阿師更欲矜神

異塔上風鈴要細聽

雪漲千山圖

六合雲同雪自寬
千山都變玉孱顏
限量不作年來
雨多如淋淫
儉如慳

月廿日河樂雨三尺
河北全無

喜周宰來居

友道年來棄若泥
白頭傾蓋似新知
短轅塵尾閑渠
甚誚殺當年蔡克兒

筋力覺衰防酒困
生涯從澹願詩工
尚憐繆誤今何
幸長在周郎碩盼中

吾友西歸喜可知
殘年心事得追隨
朝來儻舍清談
又憶得西齊共被時

諸子當年甫冠帩
執經同在鹿庵門
相逢正有謀生
急裂月撐霆不要論

馬橋梅發雪初霏
踏雪携壺扣夜扉
長記孔門多尚

點披披風袖詠而歸

泉水思歸有故交
共山無地可誅茅
羨佗儗舍同來

燕終日啣泥補舊巢

周兄所至號能官
既幹而清事更難
昨日借車還故
里囊空留得一錢看

一別淇南又十春
此回相見更情親
河山不隔黃壚
斷屈指同游有幾人

翻雲覆雨到澆漓
長愛吾周重所持
四十五年同一

日物情心事兩相知

人生七十一衰翁
比老能閑樂事融
着手不遮西去

日閉門同卧北牕風

山陽高興在筠林痛飲狂歌揔賞音四十五年雖轉
首白頭同賦故山吟
柱頭化鶴千年事松下懷人一聚塵撥置老懷休悵
慨且來同醉酒壚春
終沾公祿能餬口縱得居官柰老何暫借麴生供日
事何嫌酤釀近林婆

過郝教授子貞故居三首

雲際曾瞻處士星竹間無復草堂靈喚回三十年前
夢壓酒槽邊寫六經
一言拋却羽人冠長喜先生不遠還故隱只今誰作
主詩瓢空掛百門山
平生詩卷幾牛腰身後遺文便寂寥事業文章元有

分自餘辛苦枉相撩

回河

常年動磴踰三月孟夏中旬見稻芽今歲使君先玉
食清明分水與農家

題胡笳十八拍圖

漢世婦人傳家業善文辭者前曰班氏後
稱文姬琰不幸遭亂失身悲憤知耻至發
而爲辭章者而已如是在東漢文章清而
不俚者也其音調悽楚綠琴翻聲律協笳
拍而於音學曲盡窈眇可謂不墜中郎之
業矣今觀是圖其情義相牽不克自制之
懷猶可想見於當時也此辭即唐劉商所

作以七言較之益無疑矣因題五詩于後
騷人擬之之意云

畫却春山理素琴翠簾香鎖落花深豈知中有胡笳
恨吹折關山一寸心

胡笳翻曲太含情不道倉皇義重生舊怨未平新恨
疊馬聲纔罷又邊聲

軋翻坤覆困蛇龍女子柔衷鮮克終全着靡佗論蔡
琰不知何地置楊雄

憔悴風沙十二年得歸情義轉相牽董郎庭戶魚依
舊已是蘭摧白露前

才慧其如薄命何猶能知耻見悲歌寥寥誰
後得續離騷幸儘多

跋徽宗畫兔

格物心存養聖功老徽游藝眩青紅四靈瑞世渠何
者也在君王物色中

牧牛圖

垂紉徐行信自如一揮鞭策見齊驅近來不似圖中
看旱塊敲蹄百草枯

青青春草滿郊原放飽歸時不用牽何似人牛俱不
見碧天明月靜娟娟

綠楊堤岸曉風清碧草陂塘暮雨晴村落近年乾旱
損却將圖畫看升平

兩童相顧意何為猶恐渠飢趁草歸一道牧民無所
事知心專在當家肥

飽耕飢放事年年
放去收來任自然
莫訝兩童無所識
至今牛背是堯天

政徽宗畫馬圖

為愛瑤池噴玉龍
麝烟移入畫圖中
宣和殿上揚休處
忘却熙河汗馬功

問雨 六月五日雨三寸

前日西村雨有餘
東村曾不少露濡
望中雲氣西南重
為問村東果有無
從來暑雨多隔轍
且喜一槩蘇焦枯
敲蹄旱塊如盆火
為問秋田勾得無
近日甘霖遍四周
隆都在郡城
火無光澹

跋武陵圖

淵明高興託真鴻
流水桃花事本空
好笑武陵狂太守
謾回烟棹月明中

題數學鄭斗南詩卷

洛圖河數發天機
萬彙中來理莫違
却有一言煩說
伴貴人何廣福人稀
數學規模自易齋
不煩衰薄究予懷
朝家謀斷須房
杜早晚相携上太階

巢父飲牛圖

巢由真隱本同儔
細論吾巢節更優
老孳渴來何所擇
徑須牽避是非流

靈照度丹霞圖

衆生種業到無該愛海沉迷喚不迴對證如方唯一
捨不應真假比如來

西江萬有已沉沙更有何心到散花銀侶入門三十
捧款將一語了丹霞

性定情移逐物開力能剛制見英才金沙灘畔風流
骨恐是逢場作戲來

克己先論定力優後從屋漏驗清修禪家多少閑拈
弄糞埽堆頭覓悟頭

和彥正憲使寄周宰詩韻且酬前日見贈
之什

紛紛黨議到無如常愛林宗智有餘金谷聚蚊藩在
藪一生空枉賦閑居

自憐豪事太遲回幾被傍人笑懦哉勘破南華山木

喻支離耳作散樗材
山陽水竹接雲莊真是閑人避世鄉殺馬毀車渠莫

訝風波平地更羊腸殺馬毀車東漢馬良事
故舊追歡不厭頻甚時王翰作比鄰相看比老都能

幾猶作離羣索處人
時尚心違儘倒顛且將書史度殘年樂天仁厚知幾

遠好箇香山獨往篇
佳人倚竹圖

失路青雲恨未深更堪空谷日幽沉天寒翠袖相依
處却是琴中對竹心

和幹臣詩韻六首

清江百折萬重山倦鳥翩翩不揚還
有客又來詢動靜不知馮道已癡頑

一雨焦黃荔子丹去年今日宴東山
山僧勸酒賓僚唱醉乘有昇月下還

樓閣三山景氣鮮萬家簾映荔枝妍
紅雲酒美香粳滑只枉風烟是海邊

泉石鷗盟尚可尋老懷其柰世緣深
將詩細嚼要予和有酒深藏待子斟

吾儕從事思行道尺未容伸已枉尋
不若將心隨所好物情明見古猶今

人生兩足無不到去歲天涯今故山
古語在家貧亦更怜吾子適東還

復用苦齋韻作五詩以自警

剽竊詞章笑自如如何曾經旨醉三
餘卑凡自處有如此誰復如軻以聖居

終日如愚莫哂回克先復後並生哉
從初一着高空上即是盆成死矣才

學須一念主端莊漸次通融理義鄉
况是四端生已具幾曾由外貯肝腸

灑洛諸儒問荅頻道雖未富亦其鄰
異時醜酢無窮變不比禪林面壁人

刺口高談謾聖顛人心能淑變堯年
孔門多少齋心學見用還存問政篇

四月廿六日西溪睡起

城居喧隘一蛙坑乍到却墟眼倍明濃睡覺來村塢
靜綠楊條處栗留聲

灌園

倚鋤有水立斜陽愛殺春風菜圃香自笑老饕須肉
飽却思竒策出蔬腸

馬嘆

足輕行穩不揚塵種性來從野馬羣昨日綠楊亭下
路鄙人爭羨五花文

市來一馬性馴良竹耳雙批秃尾蒼笑殺養生王武
子辨教銅歷葬人腸

擊壤

軒軒旱塊大於盆朴擊都教細作塵便覺望中心眼

靜夕陽原隰有啣啣

老子過關圖韓虬筆

論道休將坐井觀逢時爲用見真筌漢家注措絕糟
粕嘉靖寰區近百年
柱下潛輝跡已賒青牛舌要渡流沙料應紫氣浮関
後夢繞春風巨勝花

贈武昌相士秋雲

羨君兩眼明如鏡萬事都歸一盼中自笑本無食肉
相虛名空似豹林种

扣門有客號秋雲偶尙微言取近真過眼無窮軒盖
士急流中退果河人

品彙金珠智欲周江南江北去悠悠多應未遇商崑

叟點破長空萬里秋

跋漆園田氏手澤

金源取士自科文臺閣公卿半鳳麟後進且休輕訾
議試從田氏看潜珎

跋顧虎頭所畫謝安東山像

出處當年繫重輕枉將浮議論蒼生異時兩袖東山
雨待向君王洗甲兵

跋香林先生顛草

涪翁醉草甘露帖勢與江山爭長誰幾世幾年當復
得香林筆底有遺風

嘗愛甘露詩草聖筆勢縱橫破碎陳敵今觀
香林先生遺墨得涪翁步驟為多具眼者當

知余言為不妄南廓王惲敘社書

魯義姑祠在太山南三十里 至元元年

予自孔林抵奉高道出祠下作

太山南下魯姑祠三復殘碑有所思莫道當時無義
戰一言從此退齊師

太一宮壁間四題

謝太傅安

勝負胷中料已明又從堂上出奇兵怡然一笑文欺
裏未礙東山是矯情

周將軍巔

譽望江東注伯仁茂弘中伎本辜恩異時淚洒中書
疏空慰將軍石上魂

高司空允

怒激龍顏震電威伯恭持正見臨危挺然不應前星
對大節人臣要不欺

王丞相猛

人物當年北海螭對談捫虱果何為華陽未入君王
夢袖裏風雲只自知

謁玉泉真像五首

平生幾讀九山碑管葛襟期漢相規思欲執鞭那可
得裴徊松下獨來時

福浸生民五十年後人經濟渺難攀須知浴日回天
手不在區區簿領間

雲霄天地見經綸千古麒麟亭業新康節有言真理

到伊周元不是庸人

丞相祠堂憶重尋幾年西崦栢森森入門再拜天人
表忘却登山力不任

揔道書生吏事踈米鹽無術應時須請看中統元年
事辦

朝廷半老儒

豫讓邀襄子圖
智氏頭顱到溺旋趙襄謹避墮空然若圖伯也非常
報合有嘉謀在死前一言感激命為輕九死酬恩不為名千古晉陽橋下
水不應嗚咽恨無成

酬温仲敬以櫻筍見遺

四月人間櫻筍局喜將二物特相遺故家風味依然

好獨有溫郎是素知

春睡起偶書西墅東軒壁

留連春色花陰蝶斷送林歌雨柳鶯更愛靜中消遣
如春愁滴破聽槽聲

題王明村老黃店壁八絕壬辰歲三月止

五日彝曲山四作

西以千疊玉稜層踏雪當年過五陵破帽不知風力
緊夜窓歸趁讀畫燈

荒荒野野日店東西路入蘇門草樹低記得鹿奄傳授
日體瓜亭上識西溪

今年上廟客紛紛賸具黃梁尚酒樽白髮故人渾不
見青衫多是子和孫

曲山靈樞夜來過腸斷春風薤露歌同輩眼中多顯

達一生心事寂蹉跎

危嶺南蟠縮尾尻伍城東望俯坑壕蹇馱馱過王明

店陲覺西山百倍高

古槐盤石綠陰垂下馬行人倦午馳每過黃翁閑話

舊停驂長到日西時

中陽川迴屬新中店舍初開映棘叢四十九年終一

瞬黃郎今日老黃翁

筠林同業憶當初幾醉黃翁旧酒壚鄰笛聲中何限

恨不堪零落曉星孤

五丑今獨子在當時同門者
十三人止有李士觀傳士開

秋日即事

風軒兀坐髮鬪聾涼入簷花露氣凝詞客感秋驚歲

暮半生虛負讀書灯

題嘉山段宜之讀書堂圖

山水雖佳以士名誦聲曾動草堂靈至今松桂林中
夢不識無承養百齡

墨梅偶賦

梅華天質本紅黃玉潔冰清徹骨香近為世間貪墨
客硬隨時世作新粧

秋澗先生大全文集卷第三十

秋澗先生大全文集卷第三十二

七言絕句

詠早梅四首招曲山同探

早梅香信臘前開竹外橫斜映野臺待着一杯相慰
藉約君同往肯前來

松風亭下一樽開終日裴徊醉竹臺露帶冷香歸去
晚夜深猶傍枕邊來

花開花謝催人老花本無心人自哀折得一枝香在
手且分春色入城來

梅花風韻不凡才冰雪方凝始見開任使和羹無翠
實等閑斤斧不為災

夢酒張鍊師

道人尸解柏陰臺三尺瑤鑄卧綠苔昨夜月窓清夢
底分明露醉謝文來

題劉總管宅御愛峰

太湖清潤岱宗雄金宇宣和第一峰絕似水晶官裏
看一堆寒碧玉玲瓏

詠梅

銅切塗黃點酪酥細薰婆律發溫鑪老夫鼻觀多知
見不用燈前問玉奴
一脉陽和檀獨根滿枝金蕾鎖春溫惜花人老情緣
在剪斷春風倩女魂
尚愛梅君似細君題詩重過去年門經年不見春風
面為恐啼痕似蠟痕

梅花開在百花前苦節貞心只自怜縱使孤根有餘
暖強顏於世為誰妍
為愛梅花徹骨清冷香能幾謾含情春風果有和羹
用未害肝腸似席平

江路吟看叢叢興長西湖浮重月昏黃冷香本是幽人
供枉自踈籬比玉堂

日日雙鉗換水溫為怜幽谷侶佳人夜來紙帳清燈
夢繞遍羅浮樹下春

蠟削肌膚玉作頰淡粧終不入時看苦吟正有西湖
老凍繞枯枝賞歲寒

芳叢百繞問花開夢在仙人萼綠臺為報主人多置
酒臘前冬後約重來

我識西湖處士心一生梅竹是知音誰知二百餘年
後又見諸孫鶴在陰

偶題記叅政飛卿語

睡起東齋日上牕醉扶頭罷炷爐香似勝東里金華
相夢繞鐘聲入省堂

曲山見示古雪詩云盡道豐年瑞豐年瑞
若何長安有貧者為瑞不宜多曲山反其
意又和瑞尤多一絕云人言盡道豐年瑞
其奈無衣貧者何曷若方春發生際不愆
時兩瑞尤多予細思之古詩雖如此但不
若少陵無食思樂土無衣思南州哀而不
怨也因繼韻為解嘲云

暑雨祁寒俱致然老天造化合如何麟經才筆友無
雪却恐吾儕怨更多

題竹林七賢詩并序

竹林七賢觀今為長春別館昔誠明張真
人嘗集諸公題詠欲刊置祠下迨至元辛
卯練師刘文甫始遵命以紹宿志求詩於
予且誌其刻名本末用題于右凡得詩若
干首始於王文康公終之鄙作非敢先後
之蓋因其所書之次第焉使後之觀者詠
詞懷舊得信高風絕塵之想云秋澗序

漠漠筠林指舊栖幾年於此避危機奇才最惜嵇中
散空聽鳶音月下歸

談玄高出萬物表七子風流有典刑三十年間九五
過塵容漸愧草堂靈

竹林高卧世稱賢隱放看來未中權千古歸潛書法
在一迴未讀一條然

作者當年亦七人粗聞名姓孰能親山王首作彈冠
舉却恐筠林是要津

嵇中散

識短材長蓄禍機放懷獨惜養生嵇後人莫坐談玄
罪秋水篇中物物齊

粉飾青黃乃木災當年中散固奇才高風不逐鸞音
去柳下奚爲打鍛來

阮步兵

口腹無嫌乞步兵虱藏棍絮又堪憎浪爲廣武山頭
嘆尺鷃胡能况大鵬

王司徒

兩鹿收來蔽以身不應顏面愧佳賓燈前手執牙籌
筭枉對河山說隱淪

山吏部

從來吏選苦紛紜過眼群材得所甄若論雅懷閑得
喪山公於晉是能臣

劉參軍

荷鍾隨埋見性真等閑談笑解時嗔竹林七子多沉
酗醉裏乾坤獨可人

向散騎

心醉玄談外此形自知中有未忘情異時未達堯心
對在泥南華與理爭

阮始平

禮法踈來萬事沉規心鍾律是知音聖門論樂中和
止不佞吾威到樂淫

題范文正公真像

岳記梁碑冠古今當時文筆見忠忱細思後樂先憂
說七子今誰抱此心

題長沙醉草圖

萬有龍蛇落筆端蒲堂風雨夜深寒書家軍是通神
處疊指懸鋒不作難

堂堂萬里長沙傳曾說張顏角長雄信道書家同一

細提鋒應解入神功

又題謝東山

江東全倚謝家安雅量形容對奕間勝負曾中成算
了風聲何賴八公山

題家藏顧虎頭畫謝安曳杖圖

一枰初散竹間茶杖屐歸來喜可知欲見虎頭無畫
意捷音讀罷到門時

獅猶

何年變體自條支錦爛修毛見兩形亭裏鼠山京觀
了午欄花影淡離離

和苦齋見寄嚴韻

不才自分賦閑居薄有山田與弊廬鄭重漢庭楊得

意薦賢心也到相如

兩首詩來以動言微車早晚出山門苦齋刊落紛華
盡獨有忠君一念存
病裏行藏未易言夢中待詔望金門回頭碌碌因
人去自笑張儀舌謾存

題日者壁

三尺神鈴手內提看來萬命幾曾齊百錢餽却談天
口一片風簾日未西
乾坤一氣本中和其奈人情六鑿何帝道已還昏未
劫不須苦泥貴人多
當年卜隱不明誰四相行藏見側微從此閉門終寂
寞老天似厭太知機

星槎遠泛斗牛杓萬里歸來齒髮凋碌碌又教攀附
去不知何有補清朝
鍛煉五行分造化斟量四柱別公卿百錢贏得生涯
了一片風簾任晦明

喜彥祥西還故里

千里西還已五年枝巢雖在不勝寒半生歷試何清
慎依舊春風首著槃

寄苦齋老友

今年一病到龍鍾遲速前驅有不同健羨苦齋攀附
意秋風雙翮欲摩空

題何練師又玄堂

大道難名說又玄取爲堂扁示蹄筌函闕紫氣經臺

月又見先生一再傳

題眼科杜金山卷

白日青天墮晦冥百年未滿若為生
金鑷一刮神光爛此藝爭傳杜氏精

心火燔空水下濡外腴中酒已堪吁
双眸眊眊青燈底忍更看書似老奴
自戒

過王化店

王化崗頭四望開西山吹盡凍雲埋
東風借暖冷衰老滿馬晴暉曝背餘

群鼠盜茄圖

食飽官倉到酪蘇嗜甘不計首深滯
丹青似見公儀意紅女園蔬戒併圖

題閑閑種德堂記後

轉折掉躡軒豁頓挫態度不同乃猶人面要能
自成一家為貴子於公書亦然

香色臭味而荔實為美推類至極須以江瑤為
此者豈易牙雋永而當然之理固如是乎

斯文斯翰兩翩翩與試稱量孰可有一
贊呂溫真傑作更開生面到凌烟

倦書圖

書貴疑思在筆前欲揮還止想翩翩
畫師若作行雲了妙與天機兩索然

題洛神賦畫後

淒斷西陵松栢聲將身自試謾為情
陳王正自無聊

賴流盼川妃敬自成

屈原卜居圖

用舍行藏聖有餘却從詹尹卜攸居乾坤許大無容
處正在先生見道踈
山林長往眇難攀死不忘君世所難避迨去從詹尹
卜八方歷遍果何安

遂初亭

韋杜城南天五天眼中朝市有林泉不須苦泥興公
說絲竹何妨解倒懸
厭喧思寂尋常事以隱為高拙宦人出處似君應不
尔西池東閣見經綸
山林長往懷高致富逼人將柰何閑向遂初亭上

去一樽高詠採芝歌

宋太祖蹴鞠圖

凡六人對蹴者趙普傍看者太宗八
王一道士與從者

劉向別錄蹴鞠黃帝所作或曰起戰
國時蹴鞠兵勢也所以練武士知有
才也

榻邊咫尺夢金陵欲下河東勢未能畫史意傳當日
事丹青圖上見軍興

婉戀龍姿五客隨內庭深處共遊嬉筆端欲見無窮
意一點香塵欲起時

太平朝野日歡娛肯効三郎和碧梧治定不應忘武

備花間蹋鞠是雄圖

倦書圖

六朝人愛倦書圖唐閔令喜而臨之
妙在約畧濃淡之間

玉堂昨夜醉厭厭格筆慵書見未快似待指端餘力
散卧看花影轉疎簾

筆陣堂堂到倦書紫蕉歌暖錦鸚能細看三子從容
處當日安知不有吾

二美人圖錢選筆

春醉瓊枝意未諧行雲空瑣望仙臺九重不隔簫聲
斷喚得長空赤鳳來右趙飛燕

壁月瓊枝醉舞把冷冷蘭舌半詞臣國亡只怨傾城

色恨滿臙脂井底春右張麗華

固陵雪鵠圖

取鑒前王有覆車三韓風雪儘愁予長江飲馬年年
事筆底寒禽辨得無

韓文公重憚圖

熙載南朝亦宰臣後來狂颺欲全身比教乞食歌姬
院坐閱棋枰伴可人

名教之中樂有餘只須棊槩可歡娛晦翁微貶文呂
意正為先生不著書

張麗華手擎白鸚鵡自調

雲間三閣綺成霞閣上僊人萼綠華蘭舌不應詞客
巧自調鸚羽按庭花

西施

西施為物一何尤，吳已荒亡越可憂。
一枕勾王春殿夢，抱冰寒苦變溫柔。

孤舟橫笛 王晉卿筆

秋風葉下洞庭波，橫吹歸時逸興多。
筆底分明詩外意，武昌南岸老人歌。

淵明漉酒圖 趙子昂筆

牀頭釀香矣，待壓脫巾漉。飲良愜人興，來酣適無不。
可過論總非公所，貞

雪舟夜語 劉文甫藏

大定明昌五十年，當時文物蔚中天。
雪蓬夜話無多味，党祭風流墮眼前。

跋張真人雙頭蓮手卷

亭亭池面出雙蓮，花本無心道自如。
若與主人論遠韻，靜香當到愛蓮書。

有虞鼓琴

趙霖筆

述匹誰如帝子崇，和鳴還與五絃同。
異時愠解吾民阜，本自君王正始功。

送張鵬飛同知兩浙漕事

張侯又見走踈踈，雲海相望四十春。
記取都城相別處，細炊香飯煮金鱗。

送司毅夫之任共城

皂蓋東歸五馬榮，太行南下是共城。
春林布穀應饒舌，剩著青衫竹馬迎。

司君材調號能官駿足終陪十二閑天意似教優此
任政成坐嘯看青山

中州佳麗百山門太守風流兩漢循細酌百泉亭上
酒正煩留意鑄斯民

題姬義士卷後

掩瘞無歸責已任凱風吹棘遂初心絕交端為西華
發較似劉標義更深

題紀伯新詹判如溪詩意

通人無滯南溪友坎止流行到兩忘羨殺胷中瀟灑
意一橫煙景夢滄浪

源源不絕產蛟鼉若論潛玲一勺多莫惜玉餅沙上
酒醉來閑聽濯纓歌

題麻姑壇記後

麻姑來會蔡經家麟脯珍盤間異花海上仙人多狡
曾半盃白粲走丹砂

黃初平牧羊圖

金華春草碧淒迷牧到亡羊事可疑風袖一揮山石
起道人還有此神奇

題秦和名臣碑後

金源肇跡海東隅奄有綿區亦壯圖最是秦和嘉靖
日朝廷網紀盡文儒為當時自宰相至掾吏全用進士云

癸巳歲二月六日自得仁府西歸和李樂

齋詩

行宮朝散馬駢駢喜動都城白板扉鄭重小挑深有

意留花不發待子婦

題姜詩躍鯉圖

金邊泉出躍雲魚感自龐姬孝有餘畫史載容非小
補丹青渾是蔚宗書

清泉故里兩無蹤坡老詩成竹樹風展放畫圖增永
慨丹青於世不無功

後二句取唐張彦遠畫記序畫者掛也以彩色
掛物象也故鼎鐘刻則識魑魅而知神教祈草
明則昭軌度而備國制以忠以孝及在於雲臺
有烈有勳皆登於麟閣紀傳所以叙其事不能
載其容則頌有以詠其美不能備其象圖畫之
制所以兼之也陸士衡云丹青之興比雅頌之

述作宣物莫大於言存形莫善於畫此之謂也

清明日南城訪友

客裏清明散滯懷也隨游子出城來東風侶惜春光
爛柳眼雖青細細開

題嚴子陵還山圖

接其意而反之癸巳夏聽除間作

富春不起寂為賢星彩空輝帝座寒綠便放還江上
去已應慚見釣魚壇

跋徽宗退朝圖

唐虞道統不知傳師事林靈信妄言二十六宮春寂
寔玉清雲上夢朝元

謾說煙空有九霄朝元仙路碧迢迢轉頭風雪韓州
地方悞簪裳是服妖

水車圖

人定真能力勝天一車翻水溉高田漢陰機在終無力長憶郊居值早年

題昔刺公奉使江左圖

照江東馬首双旌及見公三十年來和議

重使筆當代不無功

和戰當年楚已空一丘衰草葬南鄘卷中題詠俱名

筆幾羨人言是景鍾

孫登長嘯圖

先生可想不可見秋月千山白鹿臺吹作半空鸞鳳去公和真是不凡材

八雲擾闕兵塵夷再清談到墮身長咲一聲聊寓

意不妨玄髮散麒麟

不幸遭逢晉魏間先生出處兩為難才思識寡嵇中散只待明言覺膽寒

秋江待渡圖

兩崖鐵峽束蒼江風浪無時一葦航險阻備嘗無太穩臨流將渡復回徨

秋江極望圖

軋神清氣滿詩脾望入霜空思未迷誰看盡工橫截動一行秋影鴈飛低

韓生寫真門後

韓郎落筆凌煙面嘉老攜文造物權名下自來無妄言伯時多為九歌傳

乙未夏重午日偶得一扇絕與吾鄉龍門
谷形勝相似因書一絕於上

太行西北是龍門便面圖看奕奕魂千尺綠蘿飛瀑
花浩歌還憶醉露樽

定美李氏昆季三人係李游仙之裔同歸
三教之筆為賦

德積繇來慶自餘三英同秀定美家後今洎如汾西
曲三教堂中看隸筆

大定明昌五十年一時文物說游仙料應畫日案山前
月更覓秋空皓彩圓

史記即事

聖德神功浩有餘竹書何翅十三車近觀秦士

先皇訓意小環門八百區

開局而來已六旬倉皇曾不計殘身一朝汗簡
有敢說兼修為乏人

宋徽宗石榴圖

安石赤榴自漢來十年西域貳皇開寫生若論丹青
妙金馬門前待詔才

顯宗墨竹

筆藝初非羨顯宗承華主鬯兩冲容天教二十年陰
賜護養風雷見擇龍

午窓番盡頭皇書問龍樓孝有餘夢到承華攔檻
底露梢煙葉儘扶疎

題冀州趙節孝侍祖母韓詩卷

眼前諸子芝蘭秀堂上慈親九十儀若取陳情論樂
養趙生心事勝捷爲
五福君家有自開閨門全是孝慈來異時旌表瞻榮
觀高似陳思燕處臺

野春亭為劉仲文賦

出仕清朝接俊游閉門閑處更風流君看綠野堂中
客未必心安勝素侯
春滿青林花滿煙風光深鎖市廛間都城何限豪家
樂輸與劉郎未老閑
鶴閑無意上楊州果熟能勝萬戶侯近日治家尤有
法課兒書誦五更頭
韋杜城南尺五天千金不惜買林泉左山言手拈春

出一片浮光鎖翠煙
疇昔過門得故人示予亭記思清新白頭青竹題詩
客一笑揮毫到野春
沙頭乾盡玉瓶雙香冷牙籌拈錦囊長日閑庭有忙
事青衫時課讀書郎

四皓圖

尺一招來四老翁冥冥高興振孤風少微不是門人
像調護前星最有功
人慾橫流不易攻留侯真是帝師雄笑將二老婦周
意翻作商顏羽翼翁
夜壑藏丹未厭深皎然松雪映高林閑雲終作從龍
雨唯有留侯識此心

蕭然亭

澄淵橫壑東坡語
窻竹驚秋太白辭
解使六塵能此
淨不煩華構與新詩
坡仙信筆張園記
向盡豪家隱仕情
出處兩間無不
可最怜婪入吏商名

遂州張氏出家資
修建學會僧鎮公來索
詩因題其後

三関控接阨邊塵
四十年來草棘昏
不為兩庠燈火
事孜孜求義到斯人

太白獨酌圖

九重春色醉仙桃
何似江山照賜袍
千丈氣豪天不
管青山磯上月輪高

李太初元齋時為濮陽主簿

一氣中含萬善根
夫何為善即吾仁
不煩力剖藩籬
破已覺軒中浩浩春

魏提學授

路膠水令

菁莪樂育為求賢
十載京華柄學權
今日二官滄海
去春風千室聽鳴絃

贈相士梅心

長嗟躍冶不祥金
忽漫求名竟墜沉
萬事不如方寸
好愛渠開口便論心

贈相士秋巖

乾坤清氣滿秋岩
碩我行藏試一談
早晚得歸林下
去比山重掃讀書龕

跋單檢校吉甫所藏江孝卿手書真草二帖徵君諱絳曹南人

我初不識檢校面見此可嘉平昔心光景片時爭屬目獨憐遺翰是知音
有客臨風惜壯圖不從奇耦討榮枯因君憶起江鄉事閑氣銷來一點無

讀韓文外集

韓子為書有正傳精詳無出穆脩編不應集外生浮誕三簡誣公佞大顛

瑞鶴詩

方平家近齋前臺視履推祥有自開拈出卷山交感說胎仙非止異香來

龍虎堂

甲午秋九月廿八日迎謁自懷來回過其下

玉華行殿拂明開北狩南巡此往迴長憶

先皇重遺老玉堂今歲幾人來

長意 天 翹 喜 動 老 臣 來 先 皇 恩 治 切

百靈拱護走風雷萬馬雲屯駐漢臺今日鼎成弓劍遠西風吹淚不勝哀

觀光

弓劍拱重圍蕩蕩高空日月輝

先帝老臣今有幾瞻依恒勅近 天威

今秋迎 駕走居庸一道青山返照紅新店到都才

九十坐車乘馬兩籠東

抱關休訝去翩翩霜滿征衣月滿鞍只為

冕旒初未拜至今眠食未能安

紅雲現處拜瑤亭，皂蓋歸時午夜行。
半醉喜乘宣勸酒，居庸關下聽雞聲。

其不刺川在上都西北七百里外，董侯承旨，色從北迴，遇於榆林酒間，因及今秋大獮之盛，書六絕以紀其事。

絡野籠山捲朔陲，盡隨湯祝懽。
天威客卿莫詫長，揚賦聽說今秋第一圍。

詩詠虞官發五獮

漢家圍合萬車同，料應老上龍庭北。
谷靜川空說俊功，千里陰山騎四周。
休誇西伯渭濱遊，今年較獵饒常歲。
一色天狼四十頭。

宣威見此行

君王耀德豈觀兵，我詩擬配岐陽鼓。
要與

周宣作頌聲

今年大獮嶺林秋，青兕黃羊以萬籌。
挫吻戍兒欣有語，好雲從此到南樓。
今秋天餉住冬糧，萬穴空來殺氣蒼。
渴飲馬酬飢食肉，西風低草煮牛羊。

隆福行宮

詩裏山河瞻象服，女中堯舜宋宣仁。
從今

隆福宮闈月

聖壽輝煌一萬春

四海坤儀自正家，垂簾休獨羨瑤華。
側聞聖善如先后，在昔

天皇有懿謗

賤名猥被平章奏供奉詞林舊老臣細酌金壘
宣勸出一年三荷

寵光新

題沙門宣公手卷後

海藏龍宮鬱紫煙逢辰僧到赤烏年白毫千丈渠能
致何俟韓書重大顛

秋澗先生大全文集卷第三十二

